


Büsi&Moritz, 9/10j.



suechet es Daheime i Wohnig mit gsicheretem Garte

Liebi Tierfründe

Hoi, mir sy s'Büsi u d'Moritz. Mir hei grad wänig Ziit, müesse luege, was da so abgeit. Obwou, mir sötte üs es paar Minütli Ziit näh. Mir wönnt üs vorschtaue, wiu mir sy uf dr Suechi nach eme nöie Daheime. Warum? Üses Froueli het e bösi Chatzeallergie entwickelt, s'geit fascht gar nüm u s'hiuft nüt dagäge. Drum!

Mir sy 9 u 10jährig, ächti Britisch Churzhoor, beschti Fründe (üs git's nur im Doppupack), kaschtriert, gimpft, schtuberein, mega lieb, sähr mönschebezoge u sähr verschpiut. Dr Moritz isch dr Nöigierigeri vo üs, der entscheidet schnäu, wen er inträssant fing u wen nid, eifach so nach Guschto. Er het scho es bitzeli Arthrose u bechunnt's Schpeziaufuttr Mobility, dermit geit's ihm abr guet. S'Büsi isch die Schücheri vo üs, sy bruucht es bitzeli Ziit zum Aachoh u Vetroue fasse. Abr denn ... denn höcklet sy gärn mit Dir ufm Sofa! Sy het es Härzgrüesch, isch abr no nid schlimm, sy bruucht chei Medis. U sy het emou Blaseschtei ghet, isch abr aues wiedr guet, u sy bechunnt vorbeigend s'Urinary-Fuettr.

Was mir üs täte wünsche, we mir dörfti wünsche? Auso: e ruhige Huushaut bi liebe Mönsche, di wo Ziit hei für üs u üs uf Läbensziit wönnt verwöhne, denn e grossi Wohnig mit viu Platz u eme gsicherete Garte, so dass mir ou widr Gras unger die Pfote hei, u es Törli, damit mir usse u inne chönnt so, wie mir das wönnt. Was mir gar nid wönnt, das sy angeri Huustier u chliini Ching, die machet üs Angscht. Grossi so ab 14i sy cheis Problem für üs.

Was meinsch? Chönntisch Du üs so öppis biete? U suechsch Du zwöi ganz liebi Mitbewohnr zum Verwöhne? U hesch Du en schpannende Garte, der gsicheret isch? Odr sunsch es Uusegheg? Ja? Denn müesset mir üs unbedingt lehre chenne. Mir wohnet derziit no z'Leissigen/BE, zügale abr gärn zu Dir, wo ou immr Du wohnsch. Mäud di doch bitte ganz gly bi dr Sonja Ball. Sie het sich üs agno u suechet für üs das Plätzli. Wenn chunnsch Du üs einisch bsueche?

Dini Büsi&Moritz



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch